

# An tSanskrait

Ón Vicipéid, an chiclipéid shaor.

Is í an **tSanskrait** (संस्कृत) teanga léannta na hIndia. Ceann de na teangacha Ind-Eorpacha í. Tá sí ar an gceann is sine de na teangacha Ind-Eorpacha is eol dúinn, agus nuair a fuair na teangeolaithe Iartharacha amach faoin ngaol a bhí aici leis an Laidin agus leis an tSean-Ghréigis, ba mhór an spreagadh é d'fhorbairt na teangeolaíochta stairiúla.

Baineann lucht leanúna an Hiondúchais, an Bhudachais, an tSaíceachais agus an Jaineachais úsáid na teanga naofa aisti, agus tá sí ina teanga Chlasaiceach ag muintir na hIndia cosúil leis an Laidin san Eoraip. Tá sí go líofa ag ceithre mhilliún duine ar a laghad, agus iarrachtaí athbheochana ar obair i Mattur i stát Karnataka: is féidir, ansin, teacht ar pháistí a d'fhoghlaim Sanscrait óna dtuismitheoirí agus í ó dhúchas acu anois. Tugann bunreacht na hIndia aitheantas don tSanskrait mar cheann de na teangacha oifigiúla.

B'é Panini, thiar sa chúigiú haois RC, a chum an chéad ghramadach don tSanskrait Chlasaiceach. Tá litríocht mhór ann sa tSanskrait réamh-Chlasaiceach, go háirithe na Véidí, agus is gnách tagairt don chineál sin Sanscraite mar Shanscrait Véideach. Níl mórán difríochta ann idir an tSanskrait Véideach agus an tSanskrait Chlasaiceach, ach nuair a thosaigh litríocht na Sanscraite Clasaicí ag forbairt, bhí an teanga féin ag dul as úsáid mar chaint bheo, agus í ag éirí ina caighdeán righin liteartha. Na canúintí a tháinig ina háit i mbéal na ndaoine, is é an t-ainm a thugtar orthu ná Pracrait. Is as na Pracraití a d'fhorbair an Hiondúis, an Urdais, an Phuínseáibis agus a lán teangacha eile a labhraítear san India inniu. Ceann de na Pracraití í an Pháilis fosta, arb í teanga naofa Bhúdachas Theireaváda í.

Sanskrait <div>(संस्कृतम् <i>saṃskṛtam</i>)</div>	
Á labhairt:	An India, Neipeal
Réigiún:	An Áise Theas
Cainteoirí san iomlán:	49,736
Rang:	~
Líne ghinealaigh:	Ind-Eorpais <div>Indo-Ioráin</div> <div>Ind-Airíainis</div> <div><b>Sanskrait</b></div>
Stádas Oifigiúil	
Teanga Oifigiúil:	na hIndia
Foras Pleanála Teanga:	<i>Rialtóir ar bith</i>
Cóid teangeolaíocha	
ISO 639-1	sa
ISO 639-2	san
ISO 639-3	san ( <a href="http://www.sil.org/iso639-3/documentation.asp?id=san">http://www.sil.org/iso639-3/documentation.asp?id=san</a> )
Amharc ar: <span>Teanga</span> – <span>Liosta Teangacha</span>	

யத ஂஸரொ ஜமதீஸம் வெருவிகாஂ,  
யதிஜ தெகஜாதம் வுத்ரு ஂடின தவிகு வி  
ஸாவீ ஸவந்தஸுவுர யயா சவிகுர  
ததஜீவதம் ஂஸுதெ.

"Eoin 3:16" ón mBíobla i Sanscrait in aibítir Grantha, is é sin, aibítir na Tamailise. Is í an aibítir Dhéiveanágrach is minicí a úsáidtear leis an tSanscrait a scríobh agus a chlóbhualadh inniu, ach is fearr le lucht labhartha na Tamailise, i ndeisceart na hIndia, an aibítir Grantha a úsáid. Teanga Dhráivídeach í an Tamailis nach bhfuil gaol ar bith aici leis an tSanscrait, ach mar sin féin, bhí an-tionchar ag an tSanscrait ar an Tamailis ar chúiseanna reiligiúnacha agus cultúrtha.

## Naisc sheachtracha

- <http://freenet-homepage.de/prilop/sanskrit-alphabet.html> Aibítir Sanscraite
- [http://encyclopediaofauthenticinduism.org/articles/30\\_the\\_six\\_unmatched.htm](http://encyclopediaofauthenticinduism.org/articles/30_the_six_unmatched.htm) Leathanach a chaitheann súil ar an tSanscrait de réir thuiscint reiligiúnach an Hiondúchais



*Is síol é an t-alt seo. Cuir leis ([https://ga.wikipedia.org/w/index.php?title=An\\_tSanscrait&action=edit](https://ga.wikipedia.org/w/index.php?title=An_tSanscrait&action=edit)), chun cuidiú leis an Vicipéid.*  
Má tá alt níos forbartha le fáil i dteanga eile, is féidir leat aistriúchán Gaeilge a dhéanamh.

Aisghafa ó "[https://ga.wikipedia.org/w/index.php?title=An\\_tSanscrait&oldid=964901](https://ga.wikipedia.org/w/index.php?title=An_tSanscrait&oldid=964901)"

**Tugadh an leathanach seo cothrom le dáta an 20 Meitheamh 2020 ag 12:09.**

Tá an téacs ar fáil faoi réir an [Creative Commons Attribution/Share-Alike License](#); féadann téarmaí eile a bheith i bhfeidhm sa bhreis. Féach ar [Téarmaí Úsáide](#) le sonraí a fháil.  
Trádmharc cláraithe is ea Wikipedia® de chuid [Wikimedia Foundation, Inc.](#), eagraíocht neamhbhrabúis.